

INUIT ATAQATIGIIT

INATSISARTUNI



Sisimiut 18. maj 2016

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga.

Apeqqutit:

- 1. GUX-imi immikkut pisariaqartitsisut immikkut klassiliuunneqarsinnaanerat Naalakkersuisut akuersinermikkut suliasartaat suliaralugit sumut killippat ?**
- 2. GUX-ni immikkut innarluutilinnut klasseqarsinnaaneq periarfissaanerarnikoq ingerlava?**
 - a. Sumi qassillu pilersinneqassappat ?**
- 3. 2016-mi qinnuteqartussat immikkut ittumik pisariaqartitsisunut qanoq ilisimatitsissutigineqarpat?**
 - a. Immikkut ittumik suliniartoqarpa ?**

(Inatsisartuni ilaasortaq Agathe Fontain, Inuit Ataqatigiit)

Tungavilersuut:

Nalinnginnaasuni klasseni assersuutigalugu GUX-mi atuartut immikkut pisariaqartitsisut soorlu ADHD, Aspergers Syndrom assigisaannilluunniit pillit, misigitinneqartartut ilaatigut nuanninngitsunik, immikkuullarinnertik pissutigalugu, ilaatigut qinngasaarneqartarsimapput.

Tamassuma kingunerisaanik atuarusukkunnaartarput, uffa piginnaaneqarlutik, GUX-lu naammassisinnaagaluarlugu, immikkut klassemi atuartinneqartuugunik.

Kikkut tamarmik pisariaqartitsinertik atorlugu ilinniarsinnaatitaapput, taamaattumik Naalakkersuisut qanoq pilersaaruteqarnerat paaserusuppara.

Inatsisartut ukiakkut 2015 imm. 47 aamma imm. 132 oqaluuserinerani periarfissatut taaneqarmata eqqaasissutissavara.

Apeqqutit ullut qulit suliffiusut iluanni akineqarnissaat kissaatigaara.